



Full-Floor Penthouse at the Ritz-Carlton Residences Sunny Isles Beach, Florida, Sells for \$21 Million

AD Mansion Global

TM, DNB meterai perjanjian percepat pelaksanaan 5G

Disember 16, 2021 @ 7:38pm



Ketua Pegawai Eksekutif Kumpulan TM Imri Mokhtar (kanan, depan) bertukar dokumen dengan Ketua Pegawai Eksekutif DNB, Augustus Ralph Marshall pada majlis memeterai perjanjian perkhidmatan sewaan fiber antara TM dan DNB, hari ini.

KUALA LUMPUR: Telekom Malaysia Bhd (TM) hari ini memeterai perjanjian perkhidmatan sewaan fiber dengan Digital Nasional Bhd (DNB) bagi mempercepat pelaksanaan rangkaian 5G milik kerajaan di seluruh negara.

Perjanjian dengan nilai kontrak berjumlah RM2 bilion bagi tempoh 10 tahun itu ditandatangani oleh Ketua Pegawai Eksekutif Kumpulan TM, Imri Mokhtar dan Naib Presiden Eksekutif TM Wholesale, Amar Huzaimi Md Deris manakala DNB diwakili oleh Ketua Pegawai Eksekutifnya, Augustus Ralph Marshall dan Ketua Pegawai Operasi, Dushyanthan Vaithyanathan.

Imri berkata, perjanjian pada hari ini mengukuhkan aspirasi kerajaan dalam memperluas infrastruktur dan rangkaian digital di Malaysia.

"Kami sentiasa menyokong kuat usaha perkongsian infrastruktur dalam penyediaan perkhidmatan sambungan dan penyelesaian menyeluruh, bagi membolehkan penawaran penyelesaian dan perkhidmatan tanpa wayar terbaik," katanya dalam satu kenyataan.